

古所謂洿樽楛飲則其質朴之像其俗又不重衣冠唯以多財爲貴

陸地鹽池地周廻十里北去縣六十里磧中無水陸地出塩月

50 滿味甘月虧卽苦積久採取竟無減損

小伊吾城北去縣廿里本伊吾縣也百姓因此城側近先有田水就其地壘城故曰小伊吾

時羅漫山与柔遠縣分管源泉水縣北十里第二水縣東北五里

第三水縣東北九里凡三水皆臨崖湧出南流入磧卽絕火

55 祆廟中有素書形像無數有祆主翟槃陁者高昌

未破以前槃陁因朝至京卽下祆神因以利刀刺腹左右

通過出腹外截弃其餘以髮繫其本手執刀兩頭高

下絞轉說國家所舉百事皆順天心神靈助無不徵驗

神沒之後僵仆而倒氣息奄七日卽平復如舊有司奏

60 聞制授游將軍

納職縣下東去州一百廿里 公廩二百一十五千 戶六百三十二 鄉七

右唐初有土人鄯伏陁屬東突厥以徵稅繁重率城人